

天原發微卷之十五

逸六

天原發微卷之十五

逸六

魯齋鮑雲龍

景翔

編著

虛谷

方

回萬里

校正

二中

一二三四五六七八九十者天地之全數

也五六者天地之中數也五居天中爲生
數之主六居地中爲成數之主五又曰陽
中者以其居一三七九之中也六又曰陰
中者以其居二四八十之中也以天地總
數言之五五也五六也五十有五而虛其

五則爲天數中於五餘得五十是爲大衍
之數五十有五而虛其六則爲地數中於
六餘用四十有九是爲揲著之數此二中
之數流行天地間得其中者正而吉過與
與不及者失而凶

逸六

○邵子曰天地之本起於中人居天地之中
心居人之中日中則盛月中則盈故君子
貴時中也

太極分爲天地在天地則爲人在人則爲
心人者天地之心人心中自具一天地聖

人出而建中作極則能為不地立心俾天下皆歸于中焉所以輔相財成而與天合是故天以午為中地以子為中陽以卯為中陰以酉為中天地無一息而違乎中也語曰日中則移月滿則虧侈而虧則偏矣

此君子所以貴時中

○易大傳言天地數五十有五大衍數五十天數二十五五其五也地數三十六其五也小衍為十兩其五大衍五十十其五愚按董銖有言皆不過五五為數祖參天兩

地三陽二陰錯綜數之皆五三其三三其
二老陰老陽數皆五兩其三二少陰
之數五兩其二一其三少陽之數五自一
五行至九五福凡四一有五九章之數皆
五也此圖書皆以五爲數之宗祖也所以
逸六
氣有五行人有五常天有五星地有五嶽
樂有五聲采有五色以至於施爲五教秩
爲五禮服爲五章罰爲五刑食有五味五
穀兵有五兩卒乘皆統於五之天中也可
知矣

○朱子曰堯典言朞三百六旬有六日康誥
言越五六日至旬時

卦有六爻月有五六三十日六日生明六
日上弦六日始望又六日生魄又六日無
功子至巳六陽月午至亥六陰月五與六
相乘而成變化故兩其六為十二月三其
六為十八變四其六為二十四氣六其六
為一年之數以至人有六德六行六藝器
有六尊六彝六豆六籩樂有六律六呂周
官有六典六官王后有六服又食用六穀

膳用六牲 飲用六清 羞用百二十品 醬用
百二十甕 鼎用十有二物 皆六也 以五統
六以六偶 五所以萬變而不失其地中之
六也

○朱子曰 天地之數以六為節

逸六

三

六陽極矣 生一陰以節之 而不使之過 六
陰極矣 生一陽以節之 而不使之長 節曰
天地節而四時成 子午分天地 四時八節
成一年是節之大者 六而十二 二十四而
七十二是節之小者 日分晝夜數 分朧朧

各成十二而用二百二十四者皆以六為節也

○易數六十

三十六老陽之數對二十四老陰之數共為六十三十二少陰之數對二十八少陽之數亦共六十二甲十二辰湊到六十鍾律五聲十二律積到六十

○邵子曰幹以六終支以五終

內傳黃帝命大撓作甲子占斗魁所建作甲乙名日曰幹作子丑名月曰支支幹相

配成六旬愚按生於五者終於六生於六者終於五五即十午六即十二支二六相偶爲十二五六相乘爲三十陽數以三十起故一月有三十日一世有三十年陰數以十二起故一日有十二辰一年有十二

月以一年之月而三十之則有三百六十日以一年之日而十二之則有四千三百二十時十二三十五互相加乘皆本於五與六而推得之

○潛虛以天之中數五五相乘爲二十五地

之中數五六相乘為三十合五十有五為
玄虛生成之數

生數一二三四五五居天中而在六前成
數六七八九十六居地中而在五後一五
成六水二五成七火三五成八木四五成

逸六

四

九金五五成十土水有原委火有榮燠木
有本末金有北乃土有基冢皆不出五六
陽中五因五為十陰中六因六為十二康
節取此二中以作皇極歷世之書所以明

大中至正之理馬邵二公朝夕相與講明

玄虛之學粹矣

○天之運行小則以五六而變大則以六十而變

以卦氣參之一月五卦一卦六爻五六三十陽六陰六十二支行乎十二月三百六十日之中此以小運而進退六日也是故小運以六而變六十變通餘分亦成三百六十也天道以六而變必有餘分六日歷六辰也子以後六時爲進午以後六時爲退又以六甲參之或六月而一變或六年

而一變或六十年而一變或三百六十年
而一變是故大運以六十而變六變通餘
分得三百六十六大則六十年一變者甲
子甲午各一世也小則六月一變者子以
後六月為長午以後六月為消六年一變
逸六六氣之數六十年一變五運之數也五

○西山蔡氏曰天數中於五地數中於六天
有陰陽二其五為十合三與七一與九亦
十也地有剛柔故二其六為十二合四與
八二與十亦十二也十千者五行有陰陽

也十二支者六氣有剛柔也五行六氣實一氣也

五行在天則爲五氣雨暘寒燠風也在地則爲五質水火木金土也在天爲雨在地爲水在天爲暘在地爲火水火有氣而雨暘有質雨暘天交地水火地交天也二變而三不變二得陰陽之正三得陰陽之雜

○左氏民有好惡喜怒哀樂生乎六氣

民稟陰陽風雨晦明之氣以生陰爲金風爲土雨爲木晦爲水明爲火也好生於陽

惡生於陰喜生於風怒生於雨哀生於晦
樂生於明是以天有六氣降生五味人食
五味應天六氣哀有哭泣樂有歌舞喜有
施舍怒有戰鬪喜生於好怒生於惡哀樂
生矣乃能協天地之性是以長久愚按人

之氣稟不齊剛失太剛柔失太柔須先克
治其偏處有一等人非常剛烈是值陽氣
多有一等人極是軟懦是值陰氣多有人
躁暴忿戾是值陽氣之惡者有人狡譎姦
險此又值陰氣之惡者有人性圓一撥便

轉也有一等人愚拗雖一句善言也說不
入與禽獸無異都是氣稟如此不是陰陽
氣自惡口是分合轉移齊不齊中便自然
成碎駁喜惡爾故曰天地人均一氣也天
反時為災地反物為妖昔民反德為亂有
逸六
以感動天地而為妖爾羣物失性反常即
是妖也史氏曰妖災者水旱飢饉寒暑不
時雷雹為厲日月薄蝕彗孛飛流暈側背
穴醜抱珥虫蜡蜺竇錯隊歷山崩地震陽
伏而不能出陰迫而不能升六氣結為妖

孽禍痾青祥皆反常以害民性然則轉逆
氣為和氣者惟在人君致中和以位天地

爾

陽復

五月始一陰生為坤之初爻六月遁二陰
生七月否三陰生內成三畫之坤八月觀
四陰生九月剝五陰生積至十月坤之上
爻六陰滿足則其數窮而反于七又變坤
之初爻為陽其卦名復自姤遁否觀剝坤
至復凡七變故云七日此大易之本旨先

儒之正說也而正義又引六日七分之說
與鄭司農引易緯同卦氣備矣且曰仲尼
之緯分明輔嗣之注若此康成之說其可
通乎然則二說柰何曰皆是也易含萬象
隨時變易以從道無不可釋先聖經當從

逸六

先儒正說以七日為七月可也七本卦氣以
正周天之度用六日七分亦無不可今並
存之以俟來哲但孔釋王傳云天之陽氣
絕滅之後不過七日復生絕滅二字未免
有疑陽氣唯微何嘗絕乎又王洙說自五

月至十一月其日之歷行天七舍陽氣乃復非也殊不知周天二十八舍日行一度爲一日行一舍與月合朔爲一月要之日行七舍則是七月安得變月言日取日行一舍以稱一日乎七日七月之辨先儒詳矣愚謂十月剝去一陽自姤至坤六陽數盡至十一月子半一陽生以陽爲主并前數之故曰七日來復七日即七月也以陰爲主故稱月自五月至十月長成六陰止是六月故此稱七日者表而出之亦見崇

陽之義

○復之說有三理則一

濂溪就坤上歸來處說復故曰利貞誠之
復說與王弼同伊川就動處元字頭上說
復故曰動之端乃見天地之心康節就動

靜中間說復故曰一動一靜之間朱子謂
道理只是一般但所指地頭不同爾以復
卦言下面一爻正是動如何說靜得觀雷
在地中之象則伊說為正

○復之分有三爻則六

朱子曰天地有陰則有復衆人有惡則有復聖人則無復愚亦謂衆人有復賢人不遠復小人迷復或問朱子曰寂然至靜之中有一念之動此便是復否曰恁地說不盡有善惡之復有動靜之復兩樣要各看

卷六

八

得分曉愚謂聖人之心與造化爲徒赤子不失天理渾然初無間斷孰得以窺其起滅之處是謂無復旦晝枯亡膠膠擾擾而惻隱羞惡之心躍然於一悟之頃此善惡之分爲陰陽也或一念之動生於寂然至

靜之中又動靜之爲陰陽也人之一心本
自虛明不昧因其靜極而動知其爲良心
而圯廣之則爲善必充其量因其動中有
靜必察其有不善而摧抑之則除惡必去
其根如此則人慾盡去而天理常存亦可
自有復而希聖人之無復矣以復之六爻
推之初九不遠復仲尼以顏子當之餘五
爻不指其人者蓋寓勸戒於不言之表誠
齋則露矣謂子夏聞過而休復曾子曰省
伯玉歲省爲頻復夷之爲獨復周窆漢元

為敦復疑未當盧杞為迷復之凶得矣愚
以為迷復之下為敦獨頻休即朱子所謂
衆人之有復者雖品有優劣終不若顏子
知幾之學一日克己天下歸仁露卷而天
空也聖人教人止舉其上其次姑循序而
言之

逸六

九

○彖曰七日來復天行也

七日說見前程子曰天之運行如是消長
相固天之理也橫渠子曰七日晝夜相繼
元無斷續之時又曰終則有始天行也何

嘗有息正以靜有何程期此是靜中之動
動而不窮又有其首尾起滅自有天地迄
于今蓋為靜而動天則無心無為無所主
宰常然如此有何休歇苟造作安排而靜
則安能久然必從此去朱氏曰剝極成坤
陽降而入坤極而動陽升而出陽涉六陰
極而反初日也月也歲也天地五行之數
所不可違而必曰七日明律歷之元也故
日月五星始於牽牛氣始於夜半歷始於
冬至律始於黃鍾子雲得之為八十一首

以盡一元六甲三統九會二百四十二章
之數邵雍得之明日月星辰元會運世以
窮天地消長無極之數愚謂程子說天行
消長之理簡而約張子說得氣象大謂陽
氣流行雖窮冬未嘗絕皆以乾坤生生之
理推之若漢上則專以數明理指七日以
推律歷卦氣之元冬至子半之說且引太
玄皇極經世以廣之是知復非止可以明
理又可以該數也朱子有言天地本一氣
之流行而有動靜耳以其流行之體統而

言則但謂之乾而無不包以動靜分之則
為陽奇陰隅雖大而天地日月星辰細而
歲月日時寒暑登夜無不包也此復之陽
來陰往所以該天行終始之義備矣

○易繫曰復小而辨於物

逸六

十

一陽萌於黃宮在群陰下其初如絲髮之
細與眾陰却不想亂如黑暗中一點白白
則能辨眾黑不能掩其白如日未出于地
地中亦藏他不住以人事觀之如顏子雖
愚三千弟子中未嘗不稱其賢故朱子曰

人之善端方萌雖小而衆惡却遏他不得者是也徐氏曰復者反善之幾能於念慮之萌人所不知已所獨知之處審其幾而復於善焉當義則爲君子違理則爲小人於此而不明辨夫物則差毫釐而謬千里矣可不畏哉

○程子曰陽無可盡之理變於上則生於下無間可容息也剝盡則爲純坤豈復有陽乎

以卦配月則當十月以氣消息言陽剝爲

坤陽來為復陽未嘗盡也故十月謂之陽
月恐疑其無陽也程伯子謂息訓生一事
息則一事生中間無間斷朱子又謂剝盡
為坤一陽下面便生不魯斷續見天地無
休息處且如一月三十日以復之一陽分
逸六
三十分他便從三十箇日頭上逐分累起
十一
從小雪後十月中氣便日生一分上面趲
得一分下面便生一分凡陰陽之生一爻
當一月得滿三十日方滿那腔子做得一
晝成今坤卦非是無陽始生甚微未滿那

腔子做一畫未成非坤卦純陰無陽也此
不是深奧事伊川不分明說與人令人做
一場大事看當初欠說得幾句漸漸長
陰陽不相離之意

○朱子曰復之一陽不是頽然便生乃是坤

卦積來

不是冬至子之半一陽方生正是及子之
半結筭那一陽方成子半後第二陽方生
漸成二陽過一月方成臨朱子又謂自觀
至剝三十日剝方盡自剝至坤三十日方

成坤三十日陽漸長到冬至日方是一陽
第二陽方此生去陰剥每日剥三十分之
一二月方剥得盡陽長每日長三十分之
一二月方長得成一陽剥時一日十二刻
亦每刻中漸漸剥全一日方剥得三十分
之一陽長之漸亦如此長却以月弦望便
見陰陽逐旋如此生陰不會一上剥陽不
會一上長元月陰極陽已下生但未成體
六陽成六段一段又分三小小段亦須分
毫積起冬至方成一爻剥上九一畫分爲

三十分一日剝一分至九月末方盡陰亦
然以夫姤推之可見但聖人不言爾

○又曰天地中間氣有六層

此氣升降上下十一月冬至從下面第一
層生起直至第六層上至天為四月陽氣

漁夫

十二

纔生足便消只是這一氣升降循環不已
往來六層之中發生都是箇陽氣陽長一
分又不是討箇陰來那陽消處便是陰故
陽來為復復便是本來物事陰來為姤姤

○是偶然相遇

○又曰復之卦下面一畫便是動

程子曰自古儒者皆言靜見天地之心惟
某言動見天地之心或曰莫是於動上求
靜否曰固是然最難於喜怒哀樂未發之
前謂之靜則可如何下得箇動字然靜中
須言物始得這裏面便是難處賢且謂靜
時如何曰謂之無物固不可然自有知覺
處既有知覺却是動也怎生言靜善言心
者即此可以觀天地之心愚謂若思慮未
之時不謂之靜不得

○朱子曰天運流行本無一息間斷豈解一月無陽然既足則又變既變則又化大關一歲一月小關一日一時莫不皆然如木之黃落纔落時萌芽已生了如木之冬青者必先生萌芽而後舊葉方萌若論

總六

十三

變時天地無時無變非惟一歲有變月亦有之非惟一月有變日亦有之非惟日有變時亦有之但人不知爾

○或問碩果不食曰只不食便有生之理伊川所謂陽無可盡之理變於上則生於下

上九老陽在上碩果象先儒桃仁杏仁之
說謂核子裏面仁種之即生故謂之仁仁
者天地生物之心不是死底物事易惟復
卦與乾卦言仁見天地生物之心自姤一
陰消乾進至六五極矣乾爲木果陽精結
實於上碩果爲結實之大者剥極則見焉
窮上反下艮卦覆轉來即爲復陽生地中
又滋長而爲乾此碩果不食之象也

○程子曰復言七日來復物極必反理須如
此有生必有死有始必有終

其曰屈伸往來只是理不必將既屈之氣
爲方伸之氣自然不息凡物散其氣必盡
無復歸來本原之理天地如洪爐消燦亦
盡況既散之氣豈復在造化自是生氣焉
用此已散之氣哉如海潮然日出則涸月

出則生非是將已涸之水爲潮朱子謂七
日只取七義八月有凶天取八義謂之來
復終不是已往之陽重新將來復生舊底
已自過了這裏自然生出來天大德敦化
而川流不息豈假夫既消之氣以爲方息

之資也哉亦見其絕於彼而生於此而因以著其往來之象爾
○蔡氏曰陽消自建午之月而為剝至建子之月而為復卦經七爻月經七月不言月而言日猶詩言一之日二之日也

逸六

十四

簾山郭氏言乾之初九復于甲子歲功之出起于冬至之夜半七政之行復于牽牛之初以至曆律之紀四時之序無不及於此者所以黃鍾為萬事本也故陽一升而萬物生陰一升而萬物死其反其復終於

六位而時成易以靜爲本天地以無心爲
心靜以法坤動以法震雷在地中靜之終
而動之始也復主動而非靜姤主靜而非
動實齋李氏又謂一陰生於牛而日行南
陸纔行到南至處便復纔復便一陽生於
子而日行北陸是爲冬至然陽之初復如
絲髮之微未足以有爲必歷七日而後得
少陽之數於一陽十五分而得三分半此
則陽少壯而可以有爲也故曰七日來後
天行也貞下起元而生生不可禦惟草木

零落而果實墜地則勾萌甲坼而生意復
回豫之順以動理先於氣也復之動以順
行氣先於理也劉氏曰天行躔次十有二
陰行其六陽行其六當於陰六陽失位而
至於七則陽復本位此周天十二次環輪

通六

十五

反復其數如此施之於年月日時並同漢
上曰以乾坤二卦消息之象推之一日自
午時至夜半而復得子時一年自五月至
十一月而復得子月以一紀言之自午歲
凡七歲而復得子歲天道運行自然如此

合爲一紀分爲歲月日時莫不皆然故六十卦當三百六十日而兩卦相去皆以七日聖人所以存七日來復於復卦者以明卦氣也或問愚曰邵子二至呼吸如何曰冬至後爲呼夏至後爲吸呼則萬物出吸則萬物入一歲一呼吸天地大闔闢子後夜半呼午後晡前吸呼吸合陰陽在人爲一日人於一日一夜間亦有一萬三千六百息晝呼應萬事夜吸萬籟寂天地歸一身呼吸由語默復始互往來陽升陰始屈

是以一元十二萬九千六百年其在大化
流行中亦不過一年之頃刻

天原發微卷之十五



